

医学六要



本草發明切要卷之三

香木部

相栢仁

松

松節

杉

桂

辛夷

沉香

丁香

檀香

降真香

樟

烏藥

楓香脂

薰陸香乳香

沒藥

麒麟竭

安息香

蘇合香

龍腦香


樟腦

阿魏

蘆薈

胡桐淚

喬木部



藥木

厚朴

杜仲

椿樗根皮

海桐

棟

槐

槐角子

花附

秦皮

合歡皮

皂莢

訶黎勒

柳

水楊

榆

蕪荑

蘇方木

櫻櫚

巴豆

大楓子

灌木部

桑

附白皮堪

楮實

枳實

卮子

酸棗

緋核

山茱萸

金櫻子

郁李仁

鼠李

女貞

五加

枸杞地骨皮

石南

牡荆子

蔓荆子

紫荆皮

木槿

木芙蓉

山茶

密蒙花

木綿

富木部

茯苓

茯神

琥珀

猪苓

桑上寄生

苞木部

竹

竹黃



松

發明

時珍

松葉松實服餌所須松節松心耐久

不朽樹脂則又樹之津液精華也在土不朽流

脂日久變爲琥珀宜其可以辟穀延齡抱朴子

曰上黨趙瞿病癩歷年垂死其家棄之送置山

穴中瞿恚泣經月有仙人見而哀之以一囊藥

與之瞿服百餘日其瘡都愈顏色豐悅肌膚玉

澤僊人再過之瞿謝活命之恩乞求其方僊人

曰此是松脂山中便多此物汝鍊服之可以長



生不灰瞿乃歸家長服身體轉輕氣力百倍發
危涉險終日不困年百餘歲齒不墜髮不白夜
臥或見屋間有先大如鏡久而一室盡明如晝
又見面上有采女一人戲於口鼻之間後入抱
犢山成地僊於時人間瞿服此脂皆競服之車
運驢負積之盈室不過一月未見大益皆輒止
焉志之不堅如此張杲醫說有服松丹之法

松節

氣味苦溫無毒

發明

時珍曰

松節松之骨也質堅氣勁久有不朽

故筋骨間風濕諸病宜之

杉

杉材氣味辛微溫無毒

發明

震亨曰

杉屑屬金有火其節煮汁浸將腳氣

腫滿尤效

頌曰

唐柳柳州纂錄三灸方云元和十

二年二月得腳氣夜半踣絕脇有塊大如石且

死困不知人搖擗上視三日家人號哭榮陽鄭

洵美傳杉木湯服半食頃大小三行氣通塊散



南京中醫藥大學圖書館版權所有

方用杉木節一大升、橘葉切一大升、無葉則以皮代之、大栳榔七枚、連子碎之、童便三大升、共煮一大升半、分爲兩服、若一服得快、卽停後服、此乃成病、會有教者、乃得不死、恐人不幸、病此故傳之云、

桂

〔道地〕嵇含南方草木狀云、桂生合浦交趾、生必高山之巔、冬夏常青、其類自爲林、更無雜木有、三種皮赤者爲丹桂、葉似菌者爲菌桂、葉似批

杞青爲牡桂其說甚明足破諸家之辯矣

氣味甘辛大熱有小毒泉桂辛熱有毒陽中之

陽也浮也氣之薄者桂枝也氣之厚者桂肉也

氣薄則發泄桂枝上行而發表氣厚則發熱桂

肉下行而補腎此天地親上親下之道也

桂心藥性論用紫色厚者去上粗皮并內薄皮

取心中味辛者用

氣味苦辛無毒詳前桂下

牡桂辛溫無毒



發明

時珍曰

麻黃通徹皮毛故專於發汗而寒邪

散肺主皮毛辛走肺也桂枝透達營衛故能解
肌而風邪去脾主營肺主衛甘走脾辛走肺也
肉桂下行盜火之原此東垣所謂腎苦燥急食
辛以潤之開腠理致津液通其氣者也聖惠方
言桂心入心引血化汗化膿蓋手少陰君火厥
陰相火與命門同氣者也別錄云桂通血脈是
也曾世榮言小兒驚風及泄瀉並宜用五苓散
以瀉丙火滲土濕內有桂能抑肝風而扶脾土

又醫餘錄云有人患赤眼腫痛脾虛不能飲食
肝脉盛脾脉弱用涼藥治肝則脾愈虛用暖藥
治脾則肝愈盛但於溫平藥中倍加肉桂殺肝
而益脾故一治而兩得之傳云木得桂而枯是
也此皆與別錄桂利肝肺氣壯桂治脇痛脇風
之義相符人所不知者今爲拈出又桂性辛散
能通子宮而破血故別錄言其墜胎龐安時乃
云炒過則不損胎也

辛夷



氣味辛溫無毒入藥微灸

發明

時珍曰

鼻氣通於天天者頭也肺也肺開竅

於鼻而陽明胃脉環鼻而上行腦爲元神之府而鼻爲命門之竅人之中氣不足清陽不升則頭爲之傾尤竅爲之不利辛夷之辛溫走氣而入肺其體輕浮能助胃中清陽上行通於天所以能溫中治頭面目鼻尤竅之病軒岐之後能達此理者李東垣一人而已

沉香木之心節置水則沉故名沈水亦曰水沉

道地萬安在島東鍾朝陽之氣故香尤醞籍土
人亦自難得舶沈香多腥烈尾煙必焦交趾
北之香聚於欽州謂之欽香氣尤焦烈南人不
甚重之惟以入藥
氣味辛微溫無毒

主治風水毒腫去惡氣主心腹痛霍亂中惡邪
鬼疰氣清人神並宜酒煮服之諸瘡腫宜入膏
中調中補五臟益精壯陽暖腰膝止轉筋吐瀉
冷氣破癰癖冷風麻痺骨節不任風濕皮膚瘙

養氣痢補右腎命門補脾胃及痰涎血出於脾
益氣和神治上熱下寒氣逆喘急大腸虛閉
便氣淋男子精冷

丁香

氣味辛溫無毒

發明

震亨曰

口居上地氣出焉脾有鬱火溢入肺

中失其清和之意而濁氣上行發為口氣若以

丁香治之是揚湯止沸爾惟香薷治之甚捷

時珍

宋末太醫陳文中治小兒痘疹不光澤不起



發或脹或瀉或渴或氣促表裏俱虛之證並用
木香散異攻散倍加丁香官桂甚者丁香三五
十枚官桂一二錢亦有服之而愈者此丹溪朱
氏所謂立方之時必運氣在寒水司天之際又
值嚴冬鬱遏陽氣故用大辛熱之劑發之者也
若不分氣血虛實寒熱經絡一槩驟用殺人也
必矣葛洪抱朴子云凡曰病在目者以鷄舌香
黃連乳汁煎注之皆愈此得辛散苦降養陰之
妙陳承言不可點眼者蓋不知此理也

檀香

道地白檀出海南樹如檀紫真檀出崑崙盤盤
國雖不生中華人間遍有之有數種黃白紫之
異今人盛用江淮河朔所生檀木卽其類但不
香爾

白旃檀氣味辛溫無毒

發明曰白檀調氣引芳香之物上至極高之分

最宜橙橘之屬佐以薑棗輔以葛根硝砂益智
豈寇通行陽明之經在胸膈之上處咽嗑之間

爲理氣要藥

時珍曰

楞嚴經云白旃檀塗身能除

一切熱惱今西南諸番酋皆用諸香塗身取此

義也杜寶大業錄云隋有壽禪師妙醫術作五

香飲濟人沉香飲檀香飲丁香飲澤蘭飲甘松

飲皆以香爲主更加別藥有味而止渴兼補益

人也道書檀香謂之浴香不可燒供上真

發明白檀辛溫氣分之藥也故能理衛氣而調

脾肺利胸膈紫檀鹹寒血分之藥也故能和營

氣而消腫毒治金瘡

